



宛陵先生文集目錄卷第十一

湖州後詩

謁雙廟

和永叔晉祠詩

書謝師厚至

新冬傷逝

蘇子美竹軒

寄題涵虛閣

送李通判處州

雜興

送弟赴官江南

得李殿丞端硯

詠蘇子美千葉菊

送趙升卿之韶幕

偶書寄子美

送蕭秘校

古劍篇送蔡君謨

送逐客王勝之

送周太傅之鉅野

鄴中行

大慶殿雪中

荅忠上人携芳古硯

讀後漢列傳

異同

蔡仲謀遺鯽魚

雜擬

荅上中人卷

送蘇子美

聞李殿丞訪別

刁景純留饌膾

寄致仕李國博

同師厚宿胥氏

聞子美登天清塔

謝師厚歸南陽

夜坐有懷

永叔贈酒

得山雨

范通判秦州

陳繹越州從事

辛著作知西京永寧

和師厚別後寄

普淨佛閣孤鶻

蜂

並遊

寄宣州真上人

元夕同賦

正月十五夜出廻

同次道遊相國寺

送惠懃上人

聞賣韭黃蓼甲

董著作為參謀

戲寄師厚生女

薛中舍宰聞喜

聯句附

希深聯句

希深據鞍聯句

同希深馬上口占

玉麈尾

風琴聯句

冬夕會飲聯句

問答

目錄終

宛陵先生文集卷第十一

謁雙廟

八月過宋都泊舟雙廟側未懷此忠良遺烈傳碑
刻五位儼朝裾千年同血食當時多苟生貴爵曾
誰識縱今有立墳都已荒荆棘古人非輕死於義
實罕得英骨化埃塵令名同鳥翼飛翔出後世景
慕無終極豈若目前榮未沒聲已息西登孝王城
王氣由邦國

送弟禹臣赴京江南

昔與子同歸夜向瓜洲泊持杯月正清
湍水平如

削爾來蘆岸深須防虎潛搏行行無朋友遇事自
斟酌

和永叔晉祠詩

并州古來稱近胡山雄氣壯民足儲山根晉水發
源處平若故鑑潛決疏漸流漸急不可測以至漉
漉鳴清渠豈惟俯可見毛髮況乃了了看龜魚下
既平田幾百頃稻苗紀程曾不枯興亡莫問隨水
遠廟深草樹空扶踈伊君持節過其下愛此佳趣
聊停車北望故城無舊物決濟野色連立墟已向
風前聽好鳥只畏落日聞蒼狐晉人須識漢使美

冉冉青髯似綠蒲

得李殿丞端州硯

鮫龍所窟處其石美且堅蠻匠斷為硯漢官求費
錢持歸向都邑爭乞如瓦磚豈識萬里險謬竊好
事傳

書謝師厚奎

爾來哭爾姑清淚滴塵几一聞在目言不謂今則
死而猶意遠行所念當至止秋風忽助嘍萬木欲
摧毀

詠蘇子美庭中千葉菊樹子

生與衆草生不與衆草榮彼皆春爭葩茲獨秋吐
英千葉共一萼百帶共一莖幽亭聳扶踈獨本非
楮撐吾友蘇子美有酒對自傾香隨青陵蝶色映
黃金鷺昨日偶來過頗興陶令情豈敢復言詩君
家有子卿

新冬傷逝呈李殿丞

惡老今逼衰孤寂仍是悲寒風一夜起曩事無不
思手澤在故物默歷非故時夢寐猶平常反寤恨
莫追人生苦情累安得木石爲賴有同舍郎相語
強解頤

送趙升卿之韶幕

舟車歷盡險風物乃還君俎肉應多味虞韶不復
聞林鳴異音鳥山冒欲晴雲若弔張丞相空祠舊
近墳

蘇子美竹軒和王勝之

庭無十步廣有竹纔百箇子時哦其間賓友或來
和琴壺置于傍圖籍亦在左誰憐脩脩影只畏寒
日過誰憐青青枝下有暗葉墮我期霰雪時來聽
幽聲卧應當爲設榻勿使賞心剝持以報主人此
不可破

偶書寄蘇子美

君詩壯且奇君筆工復妙二者世共寶一得亦難
料我今或盈軸體逸思益峭有如秋空鷹氣壓城
雀鷄又如飲巨鍾一舉不能酌既酌心已醉顛倒
視兩曜吾交有求叔勁正語多要嘗評吾二人放
檢不同調其於文字間苦硬與惡少雖然趣尚殊
握手幸相笑

寄題洪州李氏涵虛閣

耳熟滕閣美未爲豫章游近聞東湖上可見西山
頭朝愛雲氣生暮數鳥行幽主人趣向遠登覽日
不休父兄已三人挂冠此遲留他年儻一往風物
詠可周

送蕭秘校

比從江南來又從江南去孤舟隨鴈群晚泊定何
處霜橙可爲葦冰鱸思下筯此興吾不知薄言聊
所慕

送李殿丞通判處州

拜官將近親不畏千里險泝流上贛水石亂波驚
颭舟人素已諳曲折就迴閃豈虞失便利倚慣憂
亦掩昔余從平流悻夢尚成魘今逢子方去青紵

絲新染沙頭有堠吏備立板方歛鴻鴈正來翔覽
看朱服儼

古劍篇送蔡君謨自諫省出守福唐

生銅夜夜鳴剗鐵未嘗缺主人久提携何事贈離
別借問豈酬恩請看鐔上血休慙補履功出處異
施設

雜興

主人有十客共食一鼎珍一客不得食覆鼎傷眾
賓雖云九客沮未足一客噴古有弑君者羊羹為
不均莫以天下士而比首陽人

送逐客王勝之不及遂至屠兒原

犯霜出國門送客客已去猶意行未遠策馬過寒
戍川長不見人沙沒前崗路始聞雲木深忽逢朱
亥墓金鎚一報恩義烈垂竹素何須文學為寄語
長沙傳

送周仲章太傅之鉅野

仲月霜氣嚴朝來厚如雪鴻鴈各南飛羽毛將恐
折征途履以足侵骨寒於鐵得罪此為輕君恩大
懽悅

鄴中行

武帝初起銅雀臺丕又建閣延七子日日臺上群
鳥飢戔戔七子宴且喜是時閣嚴人不通雖有層
梯誰可履公幹才俊或欺事平視美人曾不起五
官偏急猶且容意使忿怒如有鬼自茲不得為故
人輸作左校濱於死其餘數子安可存紛紛射去
如流矢烏烏擊樂臺轉高各自畢浦誇寔尾而今
撫卷跡已陳唯有漳河舊流水

親郊前三日大慶殿雪中

皇帝率群臣發章聖五后冊

將郊先奉冊拜立未央庭天表君心孝人驚馬曉雪

零冕旒紛點綴劍佩濕晶瑩曲蓋曾無用群臣敢
自寧鑪煙靜齋幄井氣凍宮鉞明日來壇下中宵
已見星

忠上人携芳王生古硯誇余云是定州漢祖

廟上瓦爲之因作詩以答

硯取漢朝瓦誰恤漢廟墮重舌一如此吾今對之
悲既寶若圭璧未知爲用時

讀後漢書列傳

漢家誅黨人誰與李杜死死者有范滂其母爲之
喜喜死名愈彰生榮同犬豕

異同

吾聞聖賢心不限親與疎義殊目前乖道同異代
俱堯舜及周孔千載趨一途盜跖誚孔氏弟子將
黨歟蹠自驅其衆日念殺不辜河濱捧土人海畔
逐臭夫塞川豈量力同趣即爾徒爾既不自過反
以此爲紆

蔡仲謀遺鯽魚十六尾余憶在襄城時獲
此魚留以遲歐陽永叔

昔嘗得園鯽留待故人食今君遠贈之故人大河
北欲膾無庖人欲寄無鳥翼放之已不活烹煮費

新棘

雜擬

忽聞胡騎渡河水月晝夜脅陰貂寒獨侍金輿立
城角龍蛇不展繞旗竿

答中上人卷

吹笛皆學龍吹笙皆學鳳又於笙笛間高下不相
中得其精者稀得其麤者衆況於真出音千歲不
復夢爾爲學笙歟頗已臻妙弄

送蘇子美

勇爲江海行風波曾不懼但欲尋名山扁舟無定

處南有鵬若鷓臉有石若鋸毒草見人搖短狐逢
影怒不遐尚苦乖更遠饒瘴霧甬土乃濱海屢鼉
仍可怖殼物怪瑣屑羸蜺固無數鹹腥損齒牙日
月復易飮二方既若此往矣無久駐竟當西北來
醉耐多肥豕夏不馱漿酪冬不馱雉兔勿言專口
腹口腹人所務天台信竒偉石橋非坦步廬岳趣
最幽飢腸看瀑布此致雖爲高實亦難久慕君行
聽我言不聽到應悟

晚歸聞李殿丞訪別言已屢來不遇

蕭條一陋巷頻日見馬蹄歸來稚子告有客云將
睽始知君其南復歎我向西豈不懷念慕吾親書
新齋曰吾五男子愛惜無不齊所要立門戶安用
同犬雞齷齪守此客馴馴戀此棲二季留左右足
以共挈携身許遠就祿幸又奉阿婆今年還都下
路喪子與妻囊罄厭外役進退類藩紙終當改江
邑儻得致音題

刁景純將之海陵與二三子送於都門外
遂宿舟中明日留饌膾

人言汴水駛奈何已冬乾蔡雖平且慢臘月行亦
難唯聽夜冰合爲君愁苦寒暫維青絲紉邀膾白

玉盤行人反斂我於理殊未安所忻能自養不復
道加食

寄洪州致仕李國博

湖上悠然度幾春勇拋榮祿遂天真青蒲翠竹圍
華屋白酒黃雞命里人果下有時乘小駟兒曹方
見擁朱輪田園歲入千鍾美肯似疎家苦畏貧

同謝師厚宿胥氏書齋聞鼠甚患之

燈青人已眠飢鼠稍出穴掀翻盤盂響驚時夢寐
輟唯愁几硯撲又恐架書齧癡兒効猫鳴此計誠
已拙

聞子美次道師厚登天清寺塔

二三君少壯走上浮圖巔何爲苦思我平步猶不
前苟得從而登兩股應已攣復想下時險喘汗頭
目旋不如且安坐休用窺雲煙

謝師厚歸南陽効阮步兵

一日復一朝一暮復一旦與子相經過少會不言
散我心終未極歲月忽云晏嘶馬思長道孤鳥逐
前伴駕言慕儔侶懷抱若冰炭南臨白水湄風雪
振高岸意恐慈母念疾馳節已換解劔登北堂幼
婦笑粲粲弊裘一以縫征塵一以澣而我客大梁

衣垢自悲歎

師厚明日歸南陽夜坐有懷

明朝子當去我若雲失龍龍歸雲未歸索莫將安
從半夜出戶望參畢已正中倏然變陰黑烈烈鳴
窻風窻鳴不得寐擁被一悲翁

永叔贈酒

大門多奇醞一斗市錢千貧食尚不足欲飲將何
緣豈能以口腹屈節事豪權閉戶飽於齏作詩湧
如泉一日復一夕醒日常不眠窮臘忽可怪雙壺
故人傳呼兒欲自酌瓦盞無完全其能甕食甘脆而

況侑天妍却令情懷惡分與富貴偏收拾不復嘗
排置屋角邊儻官嘉客至傾倒相與顛何暇問濃
薄但覺窻扉旋誰識我爲我賓主各頽然始得語
且橫旣醉論益堅曾不究世務閑氣爭古先畢竟
兩未決辨吻空流涎嗟我儒者飲聒耳無管絃雖
云暫歡適終久還愁煎自甘不偶死寧募金印懸
願頻致此物勿恤蒼檐肩

得山雨

急雨射蒼壁濺林跳萬珠山根水壑壑漫竅若注
壺

范殿丞通判秦州

天水出名馬多稱黃金羈正值羌已和邊草復離
離乘肥固未失所蘊不得施主人本燕客寧獨事
書詩志尚功名間管樂猶一時去去勿復道
為男兒

陳繹越州從事

母夫人老母兄黜夫人從爾之會稽恐傷爾心不
敢泣春崗細雨聞竹雞時亦藏淚未出臉奈何相
與頭傾低誠知就祿非獲已應欲退耕無舊畦
辛著作知西京永寧

躍馬西畿今家塋在洛陽衣霜寒食雨花發故宮
墻冷淡鳩鳴屋寬閑水滿塘送君悲漸老空憶釣
伊魴

依韻和師厚別後寄

吾與爾別未及旬吾家依舊甑生塵閉門不出新
誰親自持介獨輕貨珍盤食豈有醎酸辛苦吟輟
寢昏繼晨夜光忽怪來何頻採拾若在滄浪垠和
者彌寡唯陽春

普淨院佛閣上孤鶻

我新稅居見寺閣金珀石照我破屋前目看閣上聚

鳩鴿巢棲飲哺忘窮年雕簷畫壁屎污徧以及像
塑頭與肩寺僧不敢施彈射忽有蒼鶻張毒拳鷓
鳴鵲噪鸛鶴叫怒鶻來此窺腥羶鶻心決烈不畏
衆瞥碎一腦驚後先死鳥墮空未及地返翅下取
如風旋獨出屋脊恣捨磔啄肉披肝腸弃指老鷓
無藝又狠怯盤飛欲近飢目穿逡巡鶻飽自飛去
爭殘不辨烏與鳶群兒指點路人笑我方吟憶秋
江邊

蜂

春風無主撩亂時分群養子各守脾爭搃花腹爲
臘蜜年年共割不我稽俄逢主人若過慮畏爾有
蠶成噬臍密將惡物毒爾族爾曾不得同醢雞王
雖爾名爾何補造甘爲利乃自取

並游

並出慙羸駕康衢懶著鞭蹇蹇驢能勝馬壁道去如
煙何用嗟逐疾從來有後先所期皆一至我到爾
應還

寄宣州可真上人

昭亭山色無纖塵昭亭潭水見游鱗長松碧篠入
古寺石上高僧度幾春

元夕同次道中道平叔如晦賦詩得閑字
金輿在闔闔簫吹滿人寰九陌行如畫千門夜不
關星通河漢上珠亂里閭誰與聯輕騎宵長月
正閑

正月十五夜出迴

不出只愁感出遊將自寬貴賤依儔匹心復殊不
歡漸老情易厭欲之意先闌却還見兒女不語鼻
辛酸去年與母出學母施朱丹今母歸下泉垢面
衣少完念爾各尚幼藏淚不忍看推燈尚壁卧肺
腑百憂攢

同次道游相國寺買得翠玉嬰一枚

古寺老栢下叟貨翠玉嬰獸足面以立瓜腹肩而
平虛能一勺容色與藍水并我獨何爲者忽見目
以驚家無半鍾畜不吝百金輕都人莫識寶白日
雙眼盲

送惠勳上人

遽告我行何所之東南爾土爾自知山水佛事不
暇說去何速兮來何爲公卿貴人見爾喜爲爾買
屋丐爾資王城幸可樂歲月野鶴終是思陂池去
去雲霞不容侶却應來此如前時

卷二
聞賣韭黃象甲

百物凍未活初逢賣菜人乃知糞土暖能發萌芽
春柔美已先薦陽和非不均芥根守天性憔悴澗
之濱

董者作嘗為參謀歸話西事

子說頗驍勇築城收漢疆提兵無百騎偷路執生
羌大將罪專輒舉軍皆感傷歸來出萬死羸馬亦
摧藏

戲寄師厚生女

生男衆所喜生女衆所醜生男走四鄰生女各張

口男大守詩書女大逐雞狗何時某氏即堂上拜
媪叟

薛中含宰聞喜

秦人宦于秦百事順耳目山川我已踈風物予所
熟維美行邁時親賓祖車轂空將離別心欲出無
僮僕

聯句附

古木含清吹池上增晚涼余懷本達曠謝少聯此
傲羲皇孤鷗可與狎絳幽岸足以觴幸有彭澤酒
堯臣便同求嘉堂潘生起為壽維王子齊陳章林端

見新月 行草際聞寒蟾照水螢影亂良臣拂筵羨
花香徘徊戀嘉境坐使歸興忘少卿

希深洛中冬夕道話有懷善慧大士因探

得江字韻聯句

彼月上人者妙談心所降希深達空知不二觀行
本無雙聖俞久阻飄花席因思響雪窻希深社中
雖得遠方外自非龐聖俞夢幻慙他劫風塵厭此
邦希深終期親道樹何必憶重江聖俞

希深本約遊西溪信馬不覺行過據鞍聯

句

有意訪西溪順途吟思迷及茲詢野老已恨過芳
蹊希深醉客但多興幽禽空自啼無由駐金勒林
表日光低堯臣

同希深馬上口占送九舅入京城親聯句

之子洛中來芳罇喜暫開人誇阿連少吾愧士衡
才希深丹闕鳳皇去清川鴻鴈迴都門春色美相
送思悠哉堯臣

玉麈尾寄傅尉越石聯句

齋中獨何物持之想見君惟茲玉麈尾信美而有
文夫子善談道塵塵詞如雲在握昔同色傾坐今

離群絳况託懷袖好曾親蕙蘭薰常許助開放於
焉探典墳既乃阻清燕復屈驅虫蚊自殊白團扇
未畏秋葉紛堯臣

風瑟聯句

竅竹漏夫風張絃擬嶧桐佳名從此得妙響未曾
窮希深夜靜危臺上人閑皎月中依依聽不足秋
露滿蘭叢取聖俞

冬夕會飲聯句

與君數夜飲唯恐酒盞空今我苦欲淺堯臣語志
難此同陳編侑歡適謝景初問謹何魁雄婢子寒

且倦堯臣主人哦不窮燈青屢結花景初煎響時

鳴蟲穴鼠暗出沒堯臣風鴈高雍容冰霜覆瓦屋

景初貂狐輸貴翁孤床乏暖質堯臣苦語有淡工

咀嚼患餒小景初煨炮敬為殼紅落蟾斜入竅堯臣

遠漏微逝風醉心欺睡鬼景初細書刺昏瞳咩呀

聞爭犬哮吼獸啼驟撥大亂頰豆附炙雙鬢弓乾

果硬迸齒堯臣寒壘酸滿曾枯蛤擘無肉淡脯燒

可饗語必造聖賢樂已過鼓鍾紙窓幸未曙景初

絮被令旋縫凍痺兩股鐵跑孤雙鬢蓬髻承既懶

溺棍虱唯欲烘器皿足缺齷齪捧執無天穠兒女寒

不寢堯臣僮僕困欲嘗豈無貴富徒笑此飢寒蹤
丈夫固有負道義久已充墨子不黔突齒輩且得
封勉哉梅夫子塞者終自通景初

問荅送九舅席上作

金鑿落歸深留贈行人須滿酌銀餅况有宜城醪
及取春風花照灼

小屏風澗希座隔流塵素影融方床六尺偃清畫
慙無玉枕名通中

玉蟾蜍歸深厠君筆硯誠有諸可愛亭亭寒月照
瑩然四座凝冰壺

金錯刀問希深連環交刃吹風毛美人贈我萬錢貴

何必翦犀誇孟勞

青雲梯問希深尺木為階行勿迷勤脩道業生羽翼

天門九龍須攀齊

鳳于飛問希深差差粹羽今逢時桐花正羨商雪亂

家庭玉樹須來儀

宛陵先生文集卷第十一

宛陵先生文集目錄卷第十二

擬李益竹窓聞風
擬宋之問春日

郡閣閱書
梅花

擬張九齡詠鷺
遲雪

欲雪復晴
送蒙寺丞赴郢州

聞角
和人雪意

詠楊高品馬廐猢猻
和欲雪二首

和梅花
和十一月八日獻桃花

和梅花
再送蒙寺丞

擬王維觀獵
擬陶潛止酒

擬杜甫玉華宮

擬韋應物殘燈

和與諸君登西園亭

和小雨

擬韓吏部射詠狐

得韓持國作茅廬

和新晴

清躬詩

嘗惠山泉

糟淮白

和臘前

題臘藥

臘酒

臘脯

臘笋

和挑菜

和臘日

啄木二首

語鴛

和燕淮陽秀才

和石昌言求牡丹栽

和十二月十七日雪

建溪新茗

送管秘校之越

謝人惠茶

和立春

和謝廷評北園

和謝廷評栽竹

和歲除日

明井

楊公懿惠糟鮓

和楊秘校得糟鮓

春雪

和謝學士雨後雪

伐桑

夢登天壇

寒食過荆山

過口得雙鯪魚懷永叔

歲寒亭

澄虛閣

泗上遺黃令

和許發運游草堂寺

和許發運東園

目錄終

宛陵先生文集卷第十二

擬李益竹窓聞風寄苗發司空曙

窓前風動竹聲碎影仍繁衝扉忽自啓出候初迎
門驚雀枝未定乳蜂窠暫翻飄飄一舉袂聊更遲
來轉

擬宋之問春日翦綵花應制

上林花未有中禁綵先成葉逐翦刀出
綵後粧粉生紅繁內人手香染侍臣纓不是將春競天心重
發榮

郡閣閱書投壺和呈相國晏公

較量人世無窮樂羅列平生未見書聊奉投壺祭
征虜休言擊劔馬相如畫樓晚去聞寒角縹帙者
來落蠹魚日獲誨言皆舊學不慙貧賤帶經鋤

梅花

江南臘月前溪上照水野梅多少株艷薄自將同
鵲羽粉寒曾不逐蜂鬚桃根有妹猶含凍杏樹為
鄰尚帶枯楚客且休吹玉笛清香飄盡更應無

擬張九齡詠鷺

眇眇雙來鷺長年與社遠任從新曆改只向舊巢歸
永日當人語輕寒逆雨飛自親梁棟慣不識海鷗機

遲雪

風嘍大澤晚雲覆女墻低驚霰夜將集廣庭朝復
迷鶯鳴寒蔽日鴈泊凍生谿會待飄花密開軒意
外題

欲雪復晴

陰雲不成雪碧瓦有繁霜日氣生簾額冰條結井
床飛鳥鳴自樂古木晝仍殭誰意斗晴後苦寒勝
北方

送蒙寺丞赴郢州

郢國當時唱猶傳白雪真問今非昔日和者幾何

人客自射飛鴈漁能供躍鱗芳洲墮馬處吾祖漢
名臣

聞角

一聲催客夢星斗轉西簷風卷梅花去愁從柳塞
添馬鳴霜滿鬣龍泣凍生髯高樹朝光動城頭落
海蟾

和人雪意

凍雲低垂野遠樹昏未分朝來庭竹上撼撼霰已
聞扣門有兵吏嘉命傳相君趨閣展熊席卷幔
飄爐薰桂棗貯榼美馬乳薦實蕡賓屬兩三人
從容奉評文遠稽先儒言風賦可以羣密置筆與
硯唯待雪雰雰雪既不可待日暮人半醺明朝獲
方楮健思欲凌雲

詠楊高品馬廐猢猻

嘗聞養騏驥辟惡繫獮狝供奉新教藝將軍舊病
偷聊看綠柱杪尚想傍崖頭更祝南州使如拳試
為求

和欲雪二首

貂裘著不暖牙帳曉初開朔氣還先及流風亦屢
催擬聞人詠絮將見使傳梅公復憂民畝龍沙幾

日來

雪欲漫天落雲初著地垂臂鷹過野健走馬上冰
遲公子多論酒騷人自詠詩都無少年意只卧竹
窻宜

梅花

已先羣木得春色不與杏花為比紅薄薄遠香來
澗谷踈踈寒影近房櫺全枝惡折憎鄰女短笛橫
吹怨楚童墜夢誰將呵在鬢殘金粟上眉蟲

和十一月八日圃人獻小桃花二絕

當時開向杏花後今日綻當梅萼前不畏雪霜何
太甚繁英如火滿枝燃
前占寒食一百六筭到其時未合開丹艷已先灰
管動不由人力與栽培

和梅花

時時不甘春著力年年能占臘前芳水邊攀折此
中女馬上嗅尋何處郎山舍更清裁作援鳳樓偏
巧學成粧團枝密葉都如雪野雀飛來翅合香

再送蒙寺丞赴郢州

彎弓落飛鳥少也向幽州來作漢官屬恥為戎國
留身輕拋馬轡地暖獸狐裘慣見顏如玉江邊問

莫愁

擬王維觀獵

晏知公坐中探賦

白草南山獵調弓發指鳴原邊黃犬去雲外皂
鷗迎近出長陵道還看小苑城聊從向來騎回望
夕陽平

擬陶潛止酒

多病願止酒不止病不已止之懼無歡雖病未宜
止且欲止人事事止不經耳次誦止足言行當止
田里田里止誰親止樂山水美既止何所助唯酒
與止喜以言止不止未必止為是止酒儻不瘳枉
止徒可耻止亦隨化遷不止等亦死慎勿道止酒
止酒乃君子

擬杜甫玉華宮

松深溪色古中有鼯鼠鳴廢殿不知年但與蒼崖
平鬼火出空屋未繼華燭明暗泉發虛竇似作哀
絃鳴黃金不變土玉質空令名當時從輿輦石馬
埋棘荆獨來感舊物煎懷如沸羹區區人世間誰
免此虧盈

擬韋應物殘燈

照此寒夜中欲殘紅燼尾空堂滅復明獨宿擬山

鬼

和十月十二日與諸君登西園亭榭懷舊書事

冬日蕭條公府清獨將諸吏上高城而今何處異
疇昔鐵墓下聞孤夜鳴

又

莎徑依然見莎葉蓮塘無復有蓮花更看白水滿
城下說着當時龍骨車

和小雨

蛟龍溼白霧天外細濛濛露土曾無跡昏林似有
風卷旗妨酒舍濕翅下洲鴻稍見斜陽透西雲一

半紅

擬韓吏部射詠狐

黃昏月暗妖鳥鳴
危然鈍質麤豪聲
憑凶自異立屋角
潛事俯吻欲我驚
豈知慣聞此醜狡
呼集鬼物夸陰狎
夕盜雞雛無畏避
曾遭彈射沉泥坑
汝今病翼未甚愈
還作舊態侵平明
陽烏曠曠出東海
照汝宜喪膽與精
何為世人苦憎汝
汝常盜物資已榮
儻有弓矢勿汚辱
殺此非得去惡名
養雛四三已相似
眼腦實異鸞皇生
一朝車輪翅墮地
狐鼠入穴梟黨烹

得韓持國書報新作茅廬

聞君作茅廬正在西軒西定移舊蔬圃稍改新築
畦其高如伯鸞况亦有隱妻今方漢德盛不必之
會稽

和新晴

雲開日照戟衣寒淨掃平沙路已乾吏散庭除少
公事畦挑芽甲足春盤要聽林上鳴禽變試步塘
陰綠水寬誰詠陳根有微綠烏蟾易失似跳丸

清躬詩

所稟介且拙嘗恥朋比為皎皎三十年半語曾未
歎身微德不著尚使人見疑省己當自責實負聖
相知聖相雖明察不假束蘊辭扣言已可罪引去
豈非宜

嘗惠山泉

吳楚千萬山山泉莫知數其以甘味傳幾何若飴
露大禹書不載陸生品嘗著昔唯廬谷亞久與茶
經附相襲好事人砂餅和月注持叅萬錢鼎豈足
調羹助彼哉一勺微唐突為霖澍疏濃既不同物
用誠有處空林癯面僧安此佚王趣

糟淮白

寒潭縮淺瀨空潭多鮎魚網登肥且美糟漬奉庖
厨昔聞漁父賢嘗勉楚人舖楚人懷沙死彘腹千
歲餘今茲有遺意敢共盃盤踈

和臘前

漢家戍日看者近雲景蒼茫已歲昏欲驗方書治
百藥預調飛走獵平原土人薰肉經春美宮女藏
鈎舊戲存獨把凍醪驚節物草芽微動見庭萱

題臘藥

尚書晏相公臘日投壺輸詩七首便
以臘日所川物賦先成四首上呈

顏顏早覺衰乃藉藥扶持及此季冬日預脩來歲
宜鼎成無大見蜜煉有蜂知借問月中兔長年何

所為

臘酒

常氏月錄云臘日造四月成

汲井輓轡鳴寒泉碧甕盛欲為三伏美方俟十旬
清夢憶黃公舍徒聞常氏名熟時梅杏小獨飲効
淵明

臘脯

畋獵得封獸割鮮為服脩易甘非愛日不敗任經
秋可用資賓豆何妨鄙薦脯考之新月錄美脆勝
庖牛

臘筍

南岡深竹養蠶下有鷓鴣鳴破臘初挑箇

呂氏春
秋曰和

之美竹越
之箬箇

誇新款比瓊薦盤香更美案酒味偏清

馬援當時見曾將禹貢評

伏波至荔浦見冬筍上言
禹貢既包橘柚疑是謂也

和挑菜

十二月十二日

中園本膏壤始覺氣候偏出土蓼甲紅近水芹芽
鮮挑以寶環刀登之饌玉筵僻遠尚含凍安占春
陽前造物非有意地勢使之然

和臘日

獵鼓逢逢奏寒冰壓齒齧齒消正憐風日暖不似雪霜
朝敢問祠黃石休從擊皂鷗楚郊梅萼未墮麥已

多苗

咏木二首

十二月十二日陪
步後園所聞見

城頭啄枯楊城下啄枯桑朝啄不停味暮啄不充
腸寒風正冽冽蠹穴蟲且殭况茲園林迥剥剥響
何長

食蠹非嫌蠹聲來古木高誰將琵琶弄寫入相思槽

語鴉

此以上三首補前
後章所論七首

客語南方鴉啄地掀巨石遂冷山中人多竊禹步
跡誰云不可轉鳥啄猶能擲

和淮陽燕秀才

我官忝博士曾昧通經術前因辟書來亦不習文
律循舊臨學宮虎革被羊質倚席未能講占牘聊
置日朴鈍既若茲愧彼噉棗栗今若登俊賢充詔
冠庭實邦伯乃宗公惟帝舊良弼置醴餞以行行
行李冬月騏驎入羈駕千里終不蹶慙予延蔭人
安得結子韞心雖羨名場才命甘汨沒祿仕二十
年屢遊龍榜揭在昔見麻衣于今盡超越是以對
盃觴謹嚴微敢忽寧唯畏後生自恨踈節骨青羞
羅食案包紮備時物里婦或窺觀戶下紅裙出歸
應願生男生男付紙筆乃信讀書榮況即服緼鞶

長歌食苹詩聲淡異鳴瑟

和石昌言求牡丹栽

昔年藥欄下已多香草名更移花本去聊助日邊
榮莫問西都品存吾舊友評會應包萼吐可與魏
姚并帶土歸金谷封根近玉京謫仙方醉詠不倚
錦宮城

歐陽永叔有花品

和十二月十七日雪

窮冬勁臘已過半曉雪先春何處來豈是全資南
畝麥多應不分北枝梅庭中未許野童掃林上唯
慙狂吹催莫問兔園同賦客相如居右最為才

建溪新茗

南國溪陰暖先春發茗芽采從青竹籠蒸自白雲
家粟粒烹甌起龍文御餅加過茲安得比顧渚不
須誇

送詹彥迪祕校之越

夙懷山水心夢寐向東越聞為會稽行獨此羨明
發渡江信春潮泊館食野蕨平時異梁鴻但泛鏡
湖月

謝人惠茶

山上已驚溪上雷火前那及兩旗開采牙幾日始
能就碾月一罌初寄來以酪為奴名價重將雲比
脚味甘迴更勞誰致中瀟水况復顏生不解杯

和立春

茲日何所喜所喜物向榮際縷作翠柳意先新陽
生塗金鏤為勝義不首時輕增年已歎老斗酒聊
自傾

和謝仲弓廷評新理北園

園吏乘冬和荷鋤去宿莽主人因其勤築土截荒
壤移枯復穴缺剗徑就平廣東北倚高城巖險不
可上愛彼林木深便為丘壑想更待春風歸日探

花卉長但願多置酒應得時一往

和謝仲弓廷評栽竹

移得溪邊翠來為庭下陰惜根存舊土帶筍助新
林暗換蕭蕭葉知虛寸寸心東風莫搖撼培壅未
應深

和歲除日

一年三萬六千刻玉漏唯餘十二時去日苦多誰
會惜殘陰全少頗能知己驚顏貌徐徐改不奈鳥
蟾冉冉馳萬國明朝賀新歲東風依舊入春旗

明井 在城東南

顯晦有難必孰云幽不明深井發寒泉光若月色
盈陰陽信奇變曷用究厥情譬彼出炎火投薪丹
焰成吾人勿驚異但自汲餅罌

揚公懿得穎人惠糟鮑分餉并遺楊叔恬

頭尾接清淮淮魚日登網吳莼毛羹美楚糟增味
爽云誰得嘉貺曾靡獨為享乃知不忘義分遺及
吾黨

和楊祕校得糟鮑

食魚何必食河魴自有詩人比興長淮浦霜鱗更
腴美誰怜按酒敵庖羊

春雪

臘前望盈尺姦縮不應乞萬物及向榮而反事凝
凜與雨暗爭能不念傷彼茁雖然便消釋終是乖
氣律新陽豈憚沮暴柳未為屈隨風勢更巧著樹
媚且密誰將背時弃乃欲逞果必摧花自作花旋
積旋已失上天施命令冬春不相匹生物與死物
其道安可壹嗚呼此飛雪何為在今日

和謝公儀學士正月十七日雨後復雪

本祈春雨成春雪應候小桃先次開西漢放生誰
復召南朝何遜自多才潑除燈火上元去挫却勾

萌六出來前此解衣爭貫酒不知為瑞與為災

先

七日祈雨九日
霽然至于今

伐桑

二月起蠶事伐桑人阻飢已傷持斧缺不作負薪
非聊給終朝食寧虞卒歲衣月光無隔礙直照破
荆扉

夢登天壇

夜夢登天壇壇上兩仙人來時乘白鳳去時乘白
麟我問不我語颯颯山中雨

寒食日過荆山

山郵雖禁火嶺樹自生煙嗚咽同歸櫓悲哀欲問
天泣親非泣玉流淚劇流泉春鯨橫刀膽何心更
食鮮

過口得雙鯪魚懷永叔

春風午橋上始迎歐陽公我僕跪雙鯪言得石瀨
中持歸奉慈媪欣詠殊未工是時四三友推尚以
為雄于茲十九載存沒復西東我今淮上去沙嶼
逢釣翁因之獲二尾其色與昔同錢將青絲繩羹
芼春畦松公乎廣陵來值我號蒼穹何為號蒼穹
失怙哀無窮烹煎不暇餉泣血語孤衷生平四海
內有始鮮能終唯公一榮悴不媿古人風

歲寒亭

種花遊青春種栢要晏歲乃知風露前已辨雪霜
勢時倍愛芳菲不妨鳴鶩鷓他年都門歸寧昧始
終計

澄虛閣

箇圃隔翬紛閑來衣練裙檻邊生靜意水底見微
雲斜照迴晴景幽芳襲薄薰主人多賦詠不減沈
休文

舟次泗上逢黃令因以詩送

向曉入汴尾隔河聞人聲得聲不得貌問識舊時
名泊舟忽來及袖詩多賢英言除丹徒宰暫作七
閩行東南幾千里日夕挂帆輕渡江莼已老未足
助杯羹最知便道出先見縣人迎

依韻和許發運游泗州草堂寺之什

入寺豈緣齋阮公方詠懷心將超紫府手欲拍洪
崖雲霧波初淨塵埃鑑已指但能傾玉醕不假列
金釵遠客歸空速千楹密自挨醒論時事正醉載
野巾嗚風俗通吳楚清渾見汴淮遙知香刹外獨
與賞心諧

依韻和許發運真州東園新成

疏鑿近東城蕭森萬物榮
美花移舊本黃鳥發新
聲曲閣池傍起長橋柳外橫
河渾遠波漲雨急斷
虹明雲與危臺接風當
廣廈清朱簷看自躍翠栢
種初生香草猶能識山
苗未得名南峯及西嶺常
共酒盃平

